

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacacione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

691. An constitutus procurator ad resignandum beneficium, super quo ipse habeat regressum, etiam in favorem, præstando consensum in resignationem nomine constituentis tale beneficium sibi præjudicet.
-

[urn:nbn:de:hbz:466:1-74494](#)

Questio 691. An constitutus Procurator ad resignandum beneficium, super quo ipse habebat regressum sibi reservatum per censum vel decepsum, etiam in favorem praestando confessum in resignationem, seu resignando nomine constituentis tale beneficium sibi praejudicet?

Respondet negativè Paris. l. 9. q. 20. nu. 1. dicens sic resolutum à Rota, teste Achill. de Graffis, decis. 2. tit. de Procur.

Questio 692. An, & qualiter resignatio presumatur facta precedente legitimo mandato?

Respondeo ad primū affirmativè. Paris. l. 9. q. 22. n. 2. citans Simonet, decis. 36.

2. Respondeo ad secundum: Præsumitur mandatum legitimū, quoties enunciatur in sententia judicis, ut Anchār, in Clem. I. de probat. aut per Judicem, ut Menoch. de presump. l. 2. presump. 33. n. 10. Paris. loc. cit. nu. 3. Item quoties enunciatur mandatum per acta certi Notarii. Sic si facta resignatio per Procuratorem coram Ordinario, constabit ex actis Notarii de mandato procurat. vel si ea facta in manibus Papæ, & tunc constabit ex actis Notariorum Cameræ vel Cancelleriæ, qui absque quod constet illis de mandato, non admittunt supplications, ut expediant literæ. Paris. cit. q. 22. n. 4. & 5. Et, si non adesset mandatum, Notarii id non dixissent, præsumuntur namque, quod bene exerceant officium suum, juxta c. ad audiētiam, de prescrip. Paris. ibid. n. 8. Item ex eo probatur, & præsumitur mandatum, quod enunciatur in literis provisionis beneficii. Paris. nu. 6. citans Menoch. ubi antè n. 10. in fine. &c. Item, ut idem n. 7. quando enunciatur in instrumento antiquo, ob eandem rationem, nempe quod Notarii aliiās id non dixissent. Item in his, quæ fieri non solent sine mandato, ut dum quis solvit pro alio, dum resignat nomine alterius, præsumitur mandatum. Paris. n. 12. ex Menoch. ubi antè. num. 3. Mācard. de prob. concl. 1004. Idque multò magis, dum intervenit scientia, & patientia Principalis, v. g. Scientis & patientis illum, in quem facta per Procuratorem resignatio, capere vel cepisse possessionem, percipere fructus &c. Paris. n. 13. Item ex diuturnitate temporis præsumitur mandatum. Paris. n. 17. citans Decium. conf. 199. in fine. Nattam. conf. 341. n. 3. l. 1. Socin. Jun. conf. 130. n. 10. l. 3. Gozadin. conf. 73. & plures alios, ac dicens esse veriorem & magis communem quam oppositam, pro qua ciat Card. Paris. conf. 47. nu. 38. vol. 1. Alex. Socin. Sen. Afflīctis &c. Idque èd maximè, si cum diuturnitate temporis concurrat conjectura aliqua. Paris. n. 18. citatis plurimis.

Questio 693. An, & qualiter esset mandatum ad resignandum morte mandantis seu Principalis?

Respondeo primò: mandatum datum ad resignandum beneficium cessat morte ipsius mandantis. Azor. cit. c. 22. q. 13. Castrop. cit. 5. 4. n. 9. Paris. l. 9. q. 24. nu. 1. cum communī juxta expressum textum c. ult. de Procurator. & gl. in Clem. I. de renunc. communiter receptam. Ac ita, cū beneficiū vacet per mortem constituentis Procur.

P. Leuren, Fori Benef. Tom. III,

ratore, non potest vacare per resignationem Procuratoris. Paris. loc. cit. n. 12. & 13.

2. Respondeo secundò, id ipsum procedere, etiam si Procurator ignoret mortem. Azor. loc. cit. Paris. n. 3.

3. Respondeo tertio: Probanda nihilominus mors est, cum non præsumatur. Azor. loc. cit. Paris. num. 4. cum communī DD. ut per Mācard. de probat. concl. 1069. Quod fieri potest vel per vocem & famam publicam; vel ex ueste lugubri consanguineorum; vel dubiis testibus, dicentibus se vidisse illum mori aut sepeliri. Azor. loc. cit. Paris. & n. 4. singula stabiliens citatis plurimis.

4. Respondeo quartò: Intelligentam respondionem Principalem, modò res sit integra; nam si inchoata per Procuratorem, poterit ad exitum deduci. Caſtrop. cit. n. 9. Azor. cit. q. 13. Paris. cit. q. 24. n. 14. juxta l. nam & Servius. §. si vivo Titio. ff. de negot. gest. Sic licet mortuo constitente, Procurator non possit porrigitre supplicationem, & dein præstare confessum in gratiam resignatariorum quia res adhuc erit integra. Azor. loc. cit. si tamen porrigit supplicationem, quæ à Papa fuit signata, & datata, seu à Datario recognita vivo adhuc constitente seu resignante, poterit dein, etiam post mortem illius resignantis præbere seu extenderē confessum in Camera, vel Cancelleria Apostolica, ut literæ expediāntur, & possessio capiatur à resignatario. Azor. & Caſtrop. ll. cit. ex Paris. cit. nu. 14. id quāplurimis Rota decisionibus, uti & Alex. VI. & Leon. X. constitutionibus ad fusum recitatis comprobant. Quin & talis Procurator in eo casu cogi potest ad confessum illum præstandum. Paris. n. 22. & ex eo Azor. loc. cit. juxta expressum textum cit. l. nam & Servius. Idque etiam si probaretur, constituentem ante mortem mutasse suam voluntatem, modò mutatio illius voluntatis non fuerit Procuratori intimata. Paris. nu. 24. juncto n. 26. juxta Clem. I. de renunc. Quod si tamen ipse Principalis porrigit supplicationem, & dein constituit Procuratorem ad consentiendum resignationi, seu præstandum confessum in Cancelleria vel Camera pro expediendis literis, non posse hunc Procuratorem præstare dictum confessum post mortem constituents; ed quod respectu talis Procuratoris, utpote qui nihil adhuc fuerit, res adhuc sit integra, tradit Paris. nu. 28. & ex eo Azor. Unde etiam, ut tradit Paris. num. 29. porrectio supplicationis per Procuratorem facta vivente constituenti plenè ac concludenter probari debet ad effectum, ut Procurator possit præstare confessum post mortem Principalis. Cū enim actus præsumatur factus ad instantiam illius, in cuius favorem, & utilitatem veget. c. constitutus. de testib. & ibi Abb. Paris. n. 31. resignatario afferenti, Procuratorem illum confessum præbuisse vivo adhuc principali, onus id ipsum probandi incumbit. Paris. num. 32. Probatur autem hoc ipsum per testes, & Registratorem deponentes de recognitione signi & manus porrigitis à tergo supplicationis positam. Paris. num. 33. Si autem dicta manus Procuratoris à tergo apposta non est, sed sollicitatoris alicujus, ut sit de stylo, probatur per dictum sollicitatoris illius deponentis, se de mandato Procuratoris porrexisse supplicam illam; utpote quod mandatum fatis præsumitur; cū verosimile non sit, istiusmodi sollicitatores sine mandato id facere propter impensam licet parvam & laborem. Paris. num. 34. & 35. Si vero nullum

Ff 2 signum